

Վերապատրաստվող ուսուցչի

Հետազոտական աշխատանք

Հետազոտության թեման — Ուղղագրության
հմտությունների ձևավորումը
տարրական դպրոցում

Հետազոտող ուսուցիչ — Եպրաքայա Աղունյան

*Արագածոտն մարզ, քաղաք Աշտարակ
Ն. Աշտարակեցու անվան հմ1 հիմնական դպրոց*

Աշտարակ

2022թ.

ԲՈՎԱՆԴԱԿՈՒԹՅՈՒՆ

Թեմայի ուսումնասիրման արդիականությունը	3
Հետազոտության նպատակը	4
Հետազոտության խնդիրը	4
ՆԵՐԱԾՈՒԹՅՈՒՆ	5
ԹԵՄԱՅԻ ՁԵՎԱԿԵՐՊՈՒՄ	5
ՀԵՏԱԶՈՏՈՒԹՅԱՆ ԻՐԱԿԱՆԱՑՄԱՆ ՄԵԹՈԴՆԵՐԸ	6
ՈՒՂԱԳՐՈՒԹՅԱՆ ՈՒՍՈՒՑՄԱՆ ՁԵՎԵՐՆ ՈՒ ՄԵԹՈԴՆԵՐԸ	8
ՀԵՏԱԶՈՏՈՒԹՅԱՆ ԸՆԹԱՑ	10
ՎԵՐԼՈՒԹՈՒԹՅՈՒՆ	12
Եզրակացություն	13
Օգտագործված գրականություն	14

Հետազոտության արդիականություն

Մեր կրթական համակարգում կարևորագույն խնդիր է մայրենիի ուսուցումը. նրա ծրագրային նյութերի ամբողջական յուրացումով է պայմանավորված երեխայի կենսագործունեությունը և հետագա ուսումնական գործընթացի ողջ արդյունավետությունը: Առանց մայրենի լեզվի իմացության անհնարին է մյուս ուսումնական առարկաների ծրագրային նյութի յուրացումը: Մայրենի լեզվի դասավանդման կարևորագույն խնդիրների՝ խոսելու, հաղորդակցվելու, կարդալու և գրելու կարողությունների որոշակի մակարդակի ձևավորումն ընկած է հանրակրթական դպրոցի կրթադաստիարակչական աշխատանքների հիմքում: Դրանց անբավարար ձևավորումը կխոչընդոտի երեխաների՝ աշխատանքային գործունեության մեջ ընդգրկմանը: Որպեսզի հաղորդակցումն իրականացվի գործունեության այդ ձևին ներկայացվող պահանջներին համապատասխան, անհրաժեշտ է կարևորել լեզվի ուղղագրությունը, իսկ բանավոր խոսքի պարագայում՝ ուղղախոսությունը:

Տարրական դասարաններում բառերի ուղղագրությունը մտապահելու համար աշակերտները պետք է բառը տեսնեն, լսեն, բարձրաձայն արտասանեն, գրեն, ստուգեն և հաճախ գործածեն տարբեր վարժություններում:

Տարրական դասարաններում ուղղագրության ուսուցումը չի իրականացվում որպես առանձին բաժին, սակայն առանց ուղղագրական գիտելիքների ուսուցման և ամրակայման, դրանց՝ հմտությունների վերածման, մայրենիի դասը հնարավոր չէ պատկերացնել: Դրա նպատակն է զարգացնել և ամրակայել բառերի ճիշտ ուղղագրության կարողությունները:

Տարրական դպրոցում հայոց լեզվի դասավանդումը հետապնդում է հետևյալ կոնկրետ խնդիրների լուծումը.

- Գրագիտության ուսուցում, անսխալ ու վարժ գրելու և կարդալու հմտությունների ձևավոնում:
- Աշակերտների բառապաշարի հարստացում՝ ուղղված ծրջապատող աշխարհի առարկաների ու երևույթների ճանաչմանը:
- Հայոց լեզվի կառուցվածքի, լեզվական միավորների և դրանց միջև առկա հարաբերությունների մասին համակարգված գիտելիքների ուսուցում:
- Լեզվաբերականական գիտելիքների հիման վրա խոսքի և դրա միավորների վերլուծության կարողությունների ձևավոնում:

Որպես մանկավարժական երևույթ՝ գործնական աշխատանքը մի կողմից ուսումնական առաջադրանք է, այսինքն՝ այն, ինչ պետք է անի աշակերտը, մյուս կողմից՝ այդ առաջադրանքների կատարման ընկացքում համապատասխան գործունեություն՝ հիշողության, մտածողության, ստեղծագործական երևակայության դրսևորման ձև, որն արդյունքում աշակերտին տալիս է միանգամայն նոր, նախկինում նրան անծանոթ գիտելիքներ, կամ էլ արդեն ունեցած գիտելիքների խորացում: Ինչպես

հայտնի է ,բառերի ուղղագրության ավելի լավ մտապահման համար անհրաժեշտ է ներգրավել հիշողության բոլոր ձևերը՝ տեսողական, լսողական, շարժողական, այսինքն՝ բառերը բարձրաձայն արտասանել, գրի առնել և ստուգել գրվածը: Բացի այդ, հարկավոր է հնարավորինս հաճախ տարբեր վարժություններում գործածել մտապահման ենթակա բառերը: Այսինքն ուղղագրական հմտությունների մշակումը բավականին բարդ և ժամանակատար գործընթաց է:

Հետազոտության նպատակը՝

Ուսումնասիրելով ուղղագրության ուսուցման սկզբունքներն ու մեթոդները՝ քննել կրտսեր դպրոցականների ուղղագրական կարողությունների ձևավորման գործընթացի արդյունավետության բարձրացման հնարավորությունները:

Հետազոտության խնդիրներն են՝

1. Ուսումնասիրել ուղղագրության ուսուցման սկզբունքներն ու մեթոդները և ուղղագրական կարողությունների ձևավորման գործընթացը.
2. Ժամանակակից տեխնոլոգրաների միջոցով բարձրացնել գրագետ գրավոր խոսք ունենալու հմտությունները:

ՆԵՐԱԾՈՒԹՅՈՒՆ

« Լեզուն է ամեն մի ժողովրդի ազգային գոյության և էության ամենախոշոր փաստը, ինքնությունության ու հանճարի ամենախոշոր դրոշմը, պատմության և հեռավոր անցյալի կախարդական բանալին, հոգեկան կարողությունների, ամենաճոխ գանձարանը, հոգին ու հոգեբանությունը: »

ՀՈՎՀԱՆՆԵՍ ԹՈՒՄԱՆՅԱՆ

Թեմայի ձևակերպում

Ուղղագրությունը ճիշտ գրելու կանոնների ամբողջությունն է: Այդ կանոնները ստեղծելիս հաշվի են առնվում հնչման ու տառագրության բոլոր առանձնահատկությունները: Ինչպես նշում է Ա. Սուքիասյանը, «սովորաբար լեզվի հնչյունական համակարգի և այբուբենի լրիվ համապատասխանություն գոյություն չունի: Տառերի գործածությունը կարգավորվում է ուղղագրությամբ մշակված կանոնների միջոցով»:

Ուղղագրության կանոններ սահմանելիս հաշվի են առնվում ոչ միայն տառագրության նորմաները, այլև բառերի ու բառաձևերի նշանակությունը: Ստեղծվում են գրության խմբեր, որոնց ամփոփման շնորհիվ սահմանվում են ուղղագրության կանոններ:

Հայերենի ուղղագրության մեջ մտնում են.

1. ձայնավորների և բաղաձայնների ուղղագրությունը,
2. երկհնչյունների ուղղագրությունը,
3. քերականական ուղղագրությունը:

Ուղղագրական կանոնները ձևակերպվում են ըստ լեզվի հնչյոթային համակարգի և որոշակի ժամանակի համար ընդհանուր ընդունելություն գտնելով՝ պարտադիր են դառնում բոլորի համար:

Հայոց լեզվի ուղղագրությունը կապվում է հայ գրի և գրականության ստեղծման հետ և նախապես եղել է հնչյունային ուղղագրություն: Ըստ այդմ էլ հին հայերենում՝ գրաբարում, բառերը գրվել են այնպես, ինչպես արտասանվել են, օրինակ՝ մարդ, լոյս, զուարթ, ծառայ և այլն: Այդ ուղղագրությունը, որը կոչվում է գրաբարյան կամ հին ուղղագրություն, որով էլ մեծածավալ

գրականություն է ստեղծվել, միշտ նույնը չի մնացել, և, պայմանավորված լեզվի հնչյունական կազմում տեղի ունեցող փոփոխություններով, իր հերթին նույնպես որոշակի փոփոխություններ է կրել:

Միջին դարերում հայերենի այբուբենում ավելացվել են օ և ֆ տառերը, որոնցից վերջինով գրվում են ֆ հնչյունն ունեցող փոխառյալ բառերը, իսկ օ-ով՝ բաղաձայնից առաջ գրաբարյան ասերկբարբառը:

Հայտնի է, որ ժամանակի ընթացքում ընդհանրացել են մի քանի տառերի, ինչպես՝ վ-ի, ւ-ի և ու-ի, ե-ի և է-ի, յ-ի և հ-ի հնչյունները: Այդ պատճառով նույնիսկ գրաբարյան հին բնագրերում հաճախ խախտվել է դրանց ուղղագրությունը:

Գրաբարի հնչյունական ուղղագրությունը ճիշտ նույնությամբ չի պահպանվել միջին հայերենում: Վերջինս ունեցել է իրեն բնորոշ ուղղագրությունը, որը, խարսխվելով հիմնականում գրաբարյան ուղղագրության վրա, հատկանշվել է ավելի մեծ տարաձայնություններով ու շեղումներով: Սա էլ հիմք է տալիս միջին հայերենյան ուղղագրությունը համարելու հայոց լեզվի ուղղագրության պատմության երկրորդ շրջանը, որին էլ հաջորդում է նոր հայերենի՝ աշխարհաբարի ուղղագրությունը, մի ուղղագրություն, որն իր կանոններով ու օրենքներով ոչ թե միջին հայերենի, այլ դասական գրաբարի ուղղագրության հետ է առնչվում և դրա յուրահատուկ շարունակությունը կազմում:

Հետազոտության իրականացման մեթոդները

Ուղղագրության ուսուցումը երկակի նշանակություն ունի. մի կողմից այն կապվում է լսածը ճիշտ գրի առնելու կանոնների հետևողական կիրառության, իսկ մյուս կողմից՝ գրածը ճիշտ կարդալու, գրական արտասանության կամ ուղղախոսության ընդունված նորմաների ճիշտ պահպանման հետ¹: Այս առումով էլ ուղղագրության ուսուցումը, հատկապես տարրական դասարաններում, սերտորեն առնչվում է ուղղախոսության ուսուցման հետ և մեծ արդյունք կարող է տալ միայն այն դեպքում, երբ հետևողականորեն պահպանում են այդ զուգորդումները:

Ուղղագրական օրինաչափությունների ուսուցումը, ըստ էության, մեծապես նպաստում է ոչ միայն ճիշտ գրելու, այլև անսխալ կարդալու կարողության մշակմանը և հսկայական նշանակություն ունի մարդու լեզվական մշակույթի բարձրացման համար: Հայտնի է, որ ուղղագրական սխալները հաճախ ոչ միայն մթազնում կամ աղավաղում են բառիմաստը, այլև փոխում նախադասության միտքը կամ երկրնտրանքի ու կասկածի տեղիք տալիս:

Նման շփոթումներից խուսափելու համար հենց առաջին դասարանից սկսած որոշակի աշխատանք պետք է տանել աշակերտների մեջ անհրաժեշտ ուղղագրական կարողություններ մշակելու ուղղությամբ; Դրա համար երեխաներից ոչ միայն մտավոր լուրջ գործունեություն է պահանջվում, այլև լսողության, տեսողության, խոսելու օրգանների և ձեռքի մկանային համակարգի զարգացման նպատակով տարվող վարժությունների կատարման համեմատաբար ու հետևողական աշխատանք, որովհետև միայն այդ բոլորը համատեղ վերցված կարող են նպաստել բառի գրության մտապահմանը:

Երկրորդ դասարանում աշակերտները զուգահեռ դասընթացին ուսումնասիրում են նաև ձայնավորների, բաղաձայնների և երկհնչյունների ուղղագրությունը և ուղղախոսությունը: Որպեսզի նրանց մոտ ավելի տպավորիչ լինի որոշ բառերի գրությունը, օրինակ՝ ե(յե) տառի ուղղագրության և ուղղախոսության ուսումնասիրության ընթացքում կարող ենք օգտագործել հետևյալ հնարը: Զբոսանք պատկերասրահում մեթոդի օգնությամբ դասարանում դրվում են մի քանի նկարներ և առարկաներ, որոնց գրության ժամանակ հանդիպում ենք ե(յե) տառը տարբեր դիրքերում: Այդ առարկաները կարող են լինել. եղնիկ, ելակ, սեղան(խաղալիքներ), տետր, նկարներում նույնպես կլինեն այդպիսի պատկերներ: Աշակերտներից մի քանիսը կշրջեն, կշոշափեն իրերը, կդիտեն նկարները, ապա կասեն անունները և կգրեն դրանք գրատախտակին: Այսպես՝ կկրկնեն բառերի արտասանության և գրության՝ իրենց կողմից ընկալված առանձնահատկությունները.

•բառասկզբում լսվում է յե, գրվում է ե, բացառություն են կազմում եմ, ես, ենք, եք, են օժանդակ բայերը,

•բառամիջում լսվում է ե, գրվում է ե(յե):

Այս ամենը կատարելուց հետո կստանան առաջադրանք տեքստից դուրս գրել այն բառերում, որոնցում ե-ն լինի բառասկզբում, բառամիջում և բառավերջում²:

Մայրենի լեզվի տարրական դասընթացում ուղղագրության ուսուցման առանձին բաժին չկա, սակայն ուղղագրության ուսուցումը կազմում է այդ դասընթացի հիմնական խնդիրներից մեկը, քանի որ առանց ուղղագրության և ուղղախոսության տարրական գիտելիքների դժվար է պատկերացնել կարդալու և գրելու, բանավոր և գրավոր խոսքի ուսուցումը:

Հայերենի ուղղագրության մեջ տարբերակվում են մի քանի բաժիններ³.

1. Ձայնավորների ուղղագրություն, որի մեջ մտնում են օ(ո), է(ե), ը ձայնավորների ուղղագրությունը բառասկզբում և բառամիջում, ո, ե, երկհնչյունը, և եռահնչյուն և երկհնչյուն տառերի ուղղագրությունը բառասկզբում և բառամիջում, ը-ի և և-ի ուղղագրությունը սողադարձի ժամանակ:

2. Երկհնչյունների ուղղագրություն, որի մեջ մտնում են յա, յու, յո, յե, յի և այ, ույ, ոյ, էյ երկհնչյունների, այսինքն՝ յ կիսաձայնի և ա, օ, ու, ի, է

²Սարգսյան Վ., Թորոսյան Կ., Գրիգորյան Ս., Խաչատրյան Հ., «Մայրենի 2», Հանրակրթական դպրոցի 2րդ դաս. դասագիրք, Երևան, «ՄԱՆՄԱՆ», 2010, էջ 7:

³Տեր-Գրիգորյան Ա., Հայոց լեզվի մեթոդիկա, Երևան 1980, էջ 518: 10

ձայնավորների կապակցությունների ուղղագրությունը:

Տարրական դասարաններում այս ուղղագրությունն առանձին բաժնով չի ուսումնասիրվում, նրա առանձին տարրեր ձուլվում են ձայնավորների ուղղագրության հետ: Ձայնավորների ուղղագրության մեջ է մտնում նաև յ ձայնակապի և նրա գործածության ու տողադարձի հետ կապված ուղղագրական դեպքերի ուսուցումը:

3. Բաղաձայնների ուղղագրություն, որի մեջ մտնում է երկաստիճան և եռաստիճան այն բաղաձայնների ուղղագրությունը, որոնք իրենց տեղերը փոխում են արտասանությամբ շատ նման իրենց համապատասխան գույգերի հետ (բ-փ, գ-ք, դ-թ, ձ-ջ, ջ-չ, դ- խ, հ)և որոնց ուսուցումը մեծապես կապվում է նաև ուղղախոսության հետ:

4. Քերականական ուղղագրություն, որի մեջ մտնում են խոսքի ձևաբանական և շարահյուսական միավորների ուղղագրական օրինաչափությունները՝ մեծատառը բառակազմում և նախադասության սկզբում, ուրիշի խոսքի գրությունը, գոյականների հոգնակիի կազմության առանձին դեպքերը, օժանդակ բայի գրությունը և շատ այլ դեպքեր, որոնք քերականական հիմնավորում ունեն:

Քերականական ուղղագրության մեջ է մտնում նաև տողադարձը;

Տարրական դասարաններում ուղղագրության ուսուցումը, ըստ էության, միաձուլվում է մայրենի լեզվի ամբողջ դասընթացի հետ և ամբողջ ուսումնառության ընթացքում մատուցվում է փոքրիկ բաժիններով, որոնք տրվում են որոշակի ընդմիջումներով, որպեսզի հնարավոր լինի այդ ընթացքում ուսուցված կանոնը լրիվ յուրացնել տալ: Այս առումով ուղղագրության ուսուցումն իսկապես բազմաթիվ թելերով միահյուսվում է լեզվի ուսուցման ուղղությամբ տարվող մյուս բոլոր աշխատանքների հետ՝ որպես դրանց բաղկացուցիչ մաս:

Ուղղագրության ուսուցման ձևերն ու մեթոդները:

Ուսումնական գործընթացը կազմակերպելու համար կազմել են փոքրիկ քարտեր, որոնց վրա գրել են առաջադրանքները: Քարտերը նախատեսված են երկրորդ դասարանի աշակերտների համար և պարունակում են այդ նպատակի համար անհրաժեշտ առաջադրանքներ: Դրանք համապատասխանում են ուսումնական ծրագրին և Մայրենի 2 դասագրքին: Քարտերում ընդգրկված են այն բառերը, որոնք կան դասագրքի գրեթե յուրաքանչյուր թեմայի վերջում: Քարտերը օգտագործում են ի լրումն դասագրքում տրված նյութերի: Այն ինձ հնարավորություն է տալիս՝

1. բացահայտել յուրաքանչյուր աշակերտի անհատական ընդունակությունները,

2. առավել հետաքրքրաշարժ ու բազմաբովանդակ դարձնել ուսուցման գործընթացը:

Նպատակահարմար է քարտերը համարակալել: Օրինակ՝ ՈՒՇ_1(Ուղղագրական հմտություններ), ՏԲ-1 (Տեղադրի՛ր բառը), ԻՄ-1(Ինքնուրույն աշխատանք):

Քարտերը կիրառել են այն ժամանակ, երբ դասարանը յուրացրել էր «Պատմվածքն ընթերցող է փնտրում» թեման: Քարտերը միաժամանակ բաժանել են ամբողջ դասարանին՝ բացատրելով աշխատանքի քայլաշարը:

Դասարանը բաժանել էի խմբերի, յուրաքանչյուր խմբում 4 աշակերտ: Նախ խումբը ստանում է երկուական քարտ ՈՒՀ-1 և ՈՒՀ-2, այնուհետև իր տեսքում գրում է քարտի համարը, արտագրում բառերը և ընդգծում այն տառերը, որոնց ուղղագրությունը պետք է հիշել: Բոլոր բառերն արտագրելուց և համապատասխան տառերն ընդգծելուց հետո այն աշակերտը, որն աշխատել էր ՈՒՀ-1 քարտով, զույգ է կազմում մյուս խմբի՝ ՈՒՀ-2-ից մեկի հետ: Սկսվում է զույգային աշխատանքը: Առաջին աշակերտն իր ընկերոջը թելադրում է իր քարտի համարը (ինչը ընկերը պետք է գրի առնի իր տեսքում), առաջին բառը և խնդրում ընդգծել այն տառը, որի ուղղագրությունն անհրաժեշտ է հիշել: Լսելով ընկերոջ պատասխանը՝ նա համեմատում է իր քարտում գրված ճիշտ պատասխանի հետ, իսկ անհրաժեշտության դեպքում ուղղում է ընկերոջ թույլ տված սխալը: Հետո շարունակում է թելադրել քարտի մնացած բոլոր բառերը: Բոլոր բառերը թելադրելուց հետո աշակերտները փոխում են դերերը: Այժմ երկրորդ աշակերտն է դասընկերոջը թելադրում քարտի համարը և բառերը:

Երբ ավարտվում է բառերի երկուստեք թելադրանքը, աշակերտներըն ավարտում են աշխատանքը և բաժանվում:

Զույգային աշխատանքից հետո յուրաքանչյուր աշակերտ իր տեսքում ունեցավ ՈՒՀ-1 և ՈՒՀ-2 քարտերում գրված բառերը՝ ընդգծված տառերով: Նման աշխատանքը կատարում են գրեթե յուրաքանչյուր դասին՝ 5-6 րոպե տևողությամբ:

Հաջորդ դասերին արդեն աշխատում են համապատասխանաբար՝ ՏԲ և ԻԱ քարտերով:

Յուրաքանչյուր աշակերտ քարտերը ստանում է հետևյալ հաջորդականությամբ՝ ՈՒՀ_ՏԲ_ԻԱ:

Օրինակներ՝

ՈՒՀ-ուղղագրական հմտություններ

Բառերն արտագրի՛ր տեսքում: Ընդգծի՛ր այն տառերը, որոնց ուղղագրությունը պետք է հիշել: Բացատրի՛ր բառերի իմաստը.

Առաջ, խնդրել, կարդալ, երկրորդ, վերջապես

ՏԲ-Տեղադրի՛ր բառերը

Կարդա՛: Նախադասություններն արտագրի՛ր տեսքում՝ տեղադրելով անհրաժեշտ բառը: Ընդգծի՛ր այն տառը, որի ուղղագրությունը պետք է հիշել: Օգտվի՛ր օգնող բառերից:

- 1.----- եկավ սպասված պահը:
- 2.Աննան արդեն գրում ու ----- է:
- 3.Մեր դասասենյակը գտնվում է----- հարկում:
- 4.Արամը ----- հայրիկին օգնել իրեն:

(օգնող բառեր՝ կարդում, երկրորդ, վերջապես, խնդրեց)

ԻԱ – Ինքնուրույն աշխատանք;

Բառերն արտագրի՛ր տեսքում: Տեղադրի՛ր բաց թողնված տառերը.

Թռ-ել, վեր-, վեր-ապես, երկրոր-, առա-ին, ի-նել, խն-րել, մար-, կար-ալ, սերկ-իլ, դեղ-, մի-ուկ

Նման ուսուցման գործընթացը ճիշտ կառավարելու համար կիրառում են հաշվառման աղյուսակ , որտեղ նշում են աշակերտների անունները և քարտերի համարները: Այս ձևով ուսուցման գործընթացն ավելի արդյունավետ է և հետաքրքիր:

ՀԵՏԱԶՈՏՈՒԹՅԱՆ ԸՆԹԱՑՔԸ

Դասարան II⁹

Առարկան Մայրենի /Գրավոր/

Դասի թեման՝ Օ-ի և Ո-ի ուղղագրություն

Դասի նպատակները՝ ստուգել հետևյալ կարողությունները

- հնչյուն և տառ հասկացությունների մասին ունեցած գիտելիքները կիրառելու,
- ձայնավոր և բաղաձայն հնչյունների մասին ունեցած գիտելիքները կիրառելու՝
- օ(ո) , է (ե) ձայնավորները ճիշտ գրելու
- տողադարձի, տողադարձի ժամանակ ը գաղտնավանկի գրության մասին ունեցած գիտելիքները կիրառելու:

Վերջնարդյունք – Ատագրի, գրի, գրավոր փոխադրի ոչ մեծ տեքստեր, կատարի առաջադրանքները

Դասի ընթացքը՝

Խթանման փուլ - Դասը սկսել մնջախաղով . Մի քանի աշակերտ ստանում են թղթեր, որոնց վրա գրված են բառեր: Պահանջվում է մնջախաղով այնպես ներկայացնել, որ ընկերները կարողանան գուշակել բառերը (ոգնի, տերև, խաղող, փոքրիկ, հագնել): Աշակերտները խաղի ընթացքում մոտիվացվում են և նախապատրաստվում խմբային աշխատանքին:

Խմբային աշխատանք՝

Արտագրի՛ր բառերը և կատարի՛ր ստուգում:

Իջնել, փոքրիկ, ոսկեհատիկ, արևոտ, մարդ, տերև, միրգ, խաղող,

հագնել, ոգնի, զարդարվել, Ոսկան, դեղձ, սերկևիլ, օր:

ԻՄԱՍՏԻ ԸՆԿԱԼՄԱՆ ՓՈԻԼ

Արտագրություն՝ առաջադրանքներով

1. Արտագրվող նյութի լուռ ընթերցում :
2. Ուղղագրական տառերի ճիշտ տեղադրում:
3. Առաջադրանքների բովանդակության ընկալում և կատարում:

Արտագրի՛ր տեքստը՝ լրացնելով բացթողնված օ կամ ո տառերը:

__սկան պապը ինամում է խաղ __ի այգին: Մի __ր պապն այգում փ__քրիկ ոգնի տեսավ:
Նա ոգնին տվեց Ոսկեհատին: Ոսկեհատը __րոշեց __գնուն կաթով կերակրել:

1. Բաժանի՛ր վանկերի տրված բառերը.

ոգնի _____

խաղող _____

նկար _____

2. Տրված բառերը փոխարինի՛ր հակառակ իմաստ ունեցող բառերով

բարի _____

ուրախ _____

3. Գրի՛ր քանի տառ ու հնչյուն կա ելակ բառում:

Հնչյուն՝ _____, տառ՝ _____:

Կշռադասման փուլ՝ Նյութի բովանդակության մեկնաբանում, սխալների ուղղում:

Վերլուծություն

Դասի ընթացքում աշխատել եմ հնարավորինս միմյանց հետ կապակցել դասի փուլերը :Նախ խաղի միջոցով երեխաների ուշադրությունը կենտրոնացրեցի այն բառերի վրա,որոնք դեռ պետք է գրավորի ժամանակ հանդիպելին:Այնուհետև՝ խմբերով աշխատելու ժամանակ, մեկ անգամ ևս կրկնեցին,ինչու չէ նաև սովորեցին որոշակի թվով բառերի ուղղագրությունը և կատարեցին ինքնուրույն աշխատանք՝արդեն անհատական թերթիկների վրա արտագրելով տեքստը և լրացնելով բաց թողնված տառերը:Այս աշխատանքները նախ նախապատրաստեցին,հետո օգնեցին հետագա աշխատանքը կատարելուն:Հաջորդ առաջադրանքներում էլ արդեն կիրառեցին իրենց ունեցած գիտելիքները և ավարտեցին գրավոր աշխատանքը:

Մխալների ուղղման ժամանակ հատուկ ուշադրություն դարձրեցինք տողադարձին «խը-նամել», «տը-վեց», «ոգ-նի» բառերում:

Մեկ անգամ ևս ստուգեցին «հնչյուն» և «տառ» հասկացությունների մասին ունեցած գիտելիքները:

ԵԶՐԱԿԱՑՈՒԹՅՈՒՆ

Ուղղագրության ուսուցումը մայրենի լեզվի տարրական դասընթացի կարևորագույն բաղադրիչներից մեկն է: Այն տարբեր ընդգրկումով և խորությամբ ուսուցանվում է տարրական բոլոր դասարաններում :

1.Ուղղագրական կարողության ձևավորումը երկարատև գործընթաց է և պահանջում է հայերենի ուղղագրության տարբեր սկզբունքների հաջորադական ուսուցում և ուսուցման տարբեր մեթոդների կիրառում:

2.Հնչյունային ուղղագրության ուսուցման գործընթացում էական դեր են կատարում հետաքրքրաշարժ առաջադրանքները, որոնք նպաստում են գիտակցականության սկզբունքի կիրառման միջոցով բաղաձայնների ուղղագրության ամրակայմանը:

3.Հետաքրքրաշարժ առաջադրանքներն անփոխարինելի դեր են կատարում բաղաձայնների ավանդական ուղղագրության ուսուցման գործընթացում,քանի որ նպաստում են գիտակցական սկզբունքի ներդրմամբ ուսուցման արդյունավետության բարձրացմանը:

4.Հետաքրքրաշարժ առաջադրանքները կարող է կիրառվել ուղղագրության ուսուցման այլ ձևերի շղթայում,ինչպիսիք են արտագրությունը, մարզողական վարժությունները, թելադրությունը և լրացնելով այդ համալիրը՝ բարձրացնել ուղղագրական կարողության ձևավորման գործընթացի արդյունավետությունը:

ԳՐԱԿԱՆՈՒԹՅԱՆ ՑԱՆԿ

¹ Տեր-Գրիգորյան Ա., Հայոց լեզվի մեթոդիկա, Երևան 1980, էջ 518:

¹ Սարգսյան Վ., Թորոսյան Կ., Գրիգորյան Ս., Խաչատրյան Հ., «Մայրենի 2», Հանրակրթական դպրոցի 2րդ դաս. դասագիրք, Երևան, «ՄԱՆՄԱՐ», 2010, էջ 7:

¹ Տեր-Գրիգորյան Ա., Հայոց լեզվի մեթոդիկա, Երևան 1980, էջ 518:

¹ Տեր-Գրիգորյան Ա., Հայոց լեզվի մեթոդիկա, Երևան 1980, էջ 519:

Նախաշավիղ